



# 卷三十二

冕服  
衮冕

冕服

十二章之服

大裘而冕

書曰天命有德五服五章哉又曰予欲觀古人之象日

月星辰山龍華蟲作會宗彝藻火粉米黼黻絺繡以五

色作服汝明孔氏曰日月星為三辰宗廟彝尊亦以山龍華蟲為飾火為火字粉若粟米米若聚

典命上公兩已相背命其衣服以九為節侯伯七命其衣服以七

為節兩已相背命其衣服以五為節王之三公八命其卿

命及其出封皆加一等其衣服亦如之

命其大夫士

命其大夫士

命其大夫士

命其大夫士

書名 禮書一百五十卷 宋刊元修

撰者 宋 陳祥道 撰  
卷三十二  
經禮三禮總義 宋  
貴重 8  
A259500

東洋文化研究所漢籍目錄 編號: A259500  
東洋文化研究所漢籍目錄所藏漢籍善本文影像資料庫 索書號: 貴重-8  
漢籍善本文影像資料庫 文庫 禮書一百五十卷 宋刊元修本  
版權所有: 東京大學 東洋文化研究所  
使用上の注意事項

彩色首頁1

禮書卷第三十二

禹貢五服


周九服

侯國及采邑貢賦之法


賦稅征斂之辨

禹貢五服

自甸至荒  
五千里







書益稷曰弼成五服至于五千禹貢曰五百里甸服百  
里賦納總二百里納銍三百里納秸服四百里采五百  
里米五百里侯服百里采二百里男邦三百里諸侯二  
百里采五百里荒服三百里蠻二百里流東漸于海西  
被于流沙朔南暨聲教

周禮大司馬以九畿之籍施邦國之政職方千里曰國  
畿其外方五百里曰侯畿又其外方五百里曰甸畿又  
其外方五百里曰男畿又其外方五百里曰采畿又其  
外方五百里曰衛畿又其外方五百里曰蠻畿又其外  
方五百里曰夷畿又其外方五百里曰鎮畿又其外方  
五百里曰蕃畿職方氏乃辨九服之邦國方千里曰  
王畿其外方五百里曰侯服又其外方五百里曰甸服  
又其外方五百里曰男服又其外方五百里曰采服又



其外方五百里曰衛服又其外方五百里曰蠻服又其外方五百里曰夷服又其外方五百里曰鎮服又其外方五百里曰蕃服行人邦畿方千里其外方五百里謂之侯服歲一見其貢祀物又其外方五百里謂之甸服二歲一見其貢嬪物又其外方五百里謂之采服三歲一見其貢服物又其外方五百里謂之衛服五歲一見其貢貨物 國語先王之制邦內甸服邦外侯服侯服賓服夷蠻要服戎狄荒服甸服者祭侯服者祀賓服者享要服者貢荒服者王日祭月祀時享歲貢終王先王之訓也有不祭則修意有不祀則修言有不享則修文有不貢則修名有不王則修德序成而有不享則修刑於是乎有刑不祭伐不祀征不享讓不貢告不王於是乎有

刑罰之辭有攻伐之兵有征討之備有文告之詞布令

陳詞而又不至則增修於德而無勤兵於遠是以近無

不聽遠無不服荀子曰諸夏之國同服同義蠻夷戎狄

之國同服不同制封內甸服封外侯服至荒服終王比

與國語同夫是之謂視形勢而制械用稱遠近而等貢獻

是王者之事也王制曰千里之內曰甸甸千里之外曰

采曰流注甸者服治田出穀稅采者九州之內地取其

羨物以當穀稅夏之服甸侯綏要荒周語曰邦內甸千里之內曰甸甸自甸至荒九服服五百里則面二

千里以爲甸服王制自甸至荒九服服五百里則面二

千五百里矣面二千五百里則爲方五千里矣書曰甸

至行周之服侯甸男采衛蠻夷鎮蕃自侯至蕃九九服

服五百里則面二千七百五十里矣面二千七百五十

里則爲方五千五百里矣



蓋夏服先甸後侯而甸即畿也周服先侯後甸而畿非侯也夏之侯以當周之侯甸而綏以當周之男采周之衛蠻以當夏之要而夷鎮以當夏之荒特蕃服在禹貢之外然則周之斥大中國不過增夏五百里而已書曰荆成五服至于五千此夏五服之域也東漸于海西被于流沙胡南暨聲教此夏盡之外也孔安國司馬遷王肅之徒其說皆然特鄭康成謂堯之舊制服五百里及禹輔而成之服加五百里則面相距為方万里故禹會諸侯於塗山執玉帛者万国是不知經傳九言万国者舉盈數也孔穎達謂地理志言漢之土境東西九千三百二里南北萬三千三百六十八里其言山川不出禹貢之域而數不同者直而計之以具迹西而量之以人迹異耳此說是也王制曰西不盡流沙東不盡東海南不盡


衡山比不盡常山九四海之內斷長補短方三千里此蓋漢儒記六國之時地域然也然則康成之誤不特禹貢而已其言夏衰夷蠻戎以內侵國數損少商湯承之中國方三千里周公復唐虞之舊域要服之內方七千里者四十九其一為畿內餘四十八八州各方千里者六設法一州方五百里不過四方四百里者不過六方三百里不過十一方二百里者不過二十五餘方百里者謂之小國又餘方百里者四十一附庸地也然職方之法蓋兼附庸言之安有四十六國之外復有百里者在焉至制州二百一十國諸侯之附庸不與非周制也王制言凡四海之內九州州方千里州建百里之國三十七十里之國六十五十里之國百有二十九二百一



十國名山大澤不以封其餘以爲附庸間田八州州二百一十國天子之縣內方百里之國九七十里之國二十有一五十里之國六十有三九九十三國名山大澤不以盼其餘以祿仕以爲間田然後揔之以九九州千七百七十三國天子之元士諸侯之附庸不與則一代之禮也康成以八州州二百一十國爲商禮以天子之縣內九十三國爲夏禮或矣天子之地或曰甸或曰畿曰圻或曰縣曰寰而後世猶有縣官之稱孰謂畿獨施於商周而縣獨施於夏乎康成溺於禹會萬國之說嘗曰夏縣內四百國又曰夏縣內九十三國是自戾也

侯國及采邑貢賦之法

諸公之地其食者



大司徒諸公之地其食者半侯伯之地其食者三之一  
 子男之地其食者四之一鄭司農以食者半為半入於  
 公半入於王三之一為一入於侯伯二入於王則大國  
 貢輕小國貢重康成以食者半為王食其半三之一為  
 王食其一則大國貢重小國貢輕然春秋傳曰天子班  
 貢輕重以列列尊貢重周之制也卑而貢重甸服也由  
 此言之以為大國貢輕則異夫列尊貢重矣以為小國  
 貢輕則又有卑而貢重矣二者之說皆非周制鄭氏又  
 謂采地食者皆四之一百里之國九四都而王稅以一  
 都五十里之國九四縣王稅以一縣二十五里之國九  
 四甸王稅以一甸不知何據而言耶然則所謂食者半  
 則食不食之地各半也其食者三之一則不食之地二  
 食之地一也其食者四之一則不食之地三食之地一

之四者食其地之男子一之三者食其地之伯侯

--	--	--	--	--	--	--	--



也先王制地不必其實如此蓋以德尊者國大而祿重故其地嫩德卑者國小而祿輕故其地惡於是要其大率而爲之法耳然則所謂食不食者非制貢之數也此與大司馬上地食者三之二中地食者半下地食者三之一司勳九頒賞地三之一食其受地之法同

賦稅征斂之辨

周官司書言賦而終之以九稅斂掌交言九稅而餘官言九賦司徒言征而繼之以賦載師言征亦終之以賦則征賦者稅斂之惣名征稅者賦之別稱斂者賦征稅之事而已荀卿曰刀布之斂田野之稅關市之征此又對言之然也周法邦中之賦則園廛二十而一四郊之賦則近郊十一遠郊二十而三邦甸家采甸邦縣邦都之賦皆無過十二若夫關市山澤之賦蓋十一而已凡此非出於口率也鄭康成釋太宰謂賦口率出泉也今之算泉或謂之賦然算泉之法特出於後世先王之時無有也鄉大夫以歲時登其夫家之衆寡辨其可任者國中自七尺以及六十野自六尺以及六十有五皆征之征之者役之也與禮記所謂征於鄉征於學之征同義康成亦以征之爲口率非是